



5i Un òf mas?

- Lesa e frasenan. Bisa si e palabranan kursivo ta singular òf plural.
- Nota e palabranan singular i plural den dos rei separá den bo skref.
Singular: un so → kas. *Plural:* mas ku un → kasnan.

Dos historia

1. E *guianan* di e *museo* marítimo ta konta e dos *kuentanan* akí.
2. E promé *historia* ta di *mener* Leonard B. Smith.
3. El a introdusí koriente na e *isla* Kòrsou.
4. Tambe el a konstruí e *brùg* di ponton ku tin e *nòmber* di reina Emma.
5. E *palunan* spesial ku el a usa ta importá for di otro *pais*.
6. P'esei mes ni *solo* ni *ola* di *laman* no ta afektá nan.
7. Den niun di e otro *hafnan* di *mundu* no por mira e *konstrukshon* akí.
8. E otro *historia* ta trata De Alphen.
9. Tabatin un *eksploshon* riba e *barku* di guera akí.
10. Kasi tur e *tripulantenan* a muri i e *boto* a senk den *haf*.
11. Algun *aña* pasá *sambuyadónan* a haña vários *opheto* den fondo di laman.
12. Den Museo Marítimo por mira e diferente *artefaktonan* akí den vitrina.
13. Asina nos por mira algu i haña un *bista* di e *tempunan* ei.



5j Kua palabra ta kuadra kuné?

- Lesa e splikashon i buska e palabra ku ta kuadra kuné.

1. E parti paden di un edifisio
2. Mapa ku ta usa pa yuda den nabegashon
3. Un barku masha grandi ku por yena ku petroli
4. Un biahe kòrtiku pa siña algu
5. Un boto pa transportá hende i/òf outo di un punto pa otro
6. Un kaha grandi di heru pa transportá algu
7. Un kas grandi den stat
8. Un edifisio ku tin eksposishon di algu interesante
9. Un modelo chikí di algu
10. Un sorto di tabla pa subi òf baha for di un barku

miniatura
 guènguwe
 kòntainer
 museo
 ekskurshon
 manshon
 fèri
 tankero
 interior
 mapa nóutiko

